



30. januar 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit iluarsartuussinerit pisariallit pillugit:

- 1. Naalackersuisunut nassuiaqquneqarpoq 2017-mi Inatsisartunut iluarsartuussinissat suut saqqummiutilersaernerlugit.**
- 2. Naalackersuisut naatsorsuutiginerlugu partiinik aggersaassallutik iluarsartuussinerit eqqarsaatigineqartut isumaqatigiinniutiginissaannut, Inatsisartunut saqqummiinnginnermi? Taamaangippat; Siusinaartumik Inatsisartuni partiinik akulerutsitsinngissaq sunik iluaqutissartaqartutut Naalackersuisut isigaat?**
- 3. Naalackersuisut pilersaarutiginerlugu iluarsartuussinerit sukkanerusumik ingerlanniartugit maannakkut nunarsuarmi aalisakkat raajallu akigissaarnerat pissutaalluni, aningaasarsiornikkut siuariartortoqarmat?**
- 4. Naalackersuisut iluarsartuussinissat pisussat pillugit allanik nalunaarutissaqarnerlutik?**
(Inatsisartunut ilaasortaq Randi Vestergaard Evaldsen, Demokraatit)

Tunngavilersuut:

Pisariaqarluinnarpoq tamatta paasissagatsigu inuiaqatigiinni iluarsartuussinerit pisariaqartikkatsigit. Sualummik piffissami matumani amerlanerussuteqarluartut naalagaaffinngornissamik kissaateqarfianni ilumoorpat akissaqartinngisatsinnik, ullumikkutut tungiuineq piginnassallugu eqqarsartutta.

Iluarsartuussinerit aningaasarsiornikkut tunngavissamik pilersitseqataassapput, qularnaarniarlugu inuiaqatigiinni aningaasartuutit isertitanik amerlanerunnginnissaat. Kisianni imaattariaqaraluarpoq siunissami isertitat aningaasartuutinit amerlanerussasut - ajornangippat naalagaaffimmi bloktilskudisiarineqartartut amerlaqataannik.

Taamatut siunertaqarnek angusaqarluarniarneruvoq kisiannilu pisariaqarluni, aningaasarsiornikkut Danmarkimit isumalluutaarunnissamik takorluugaqarnek isumaqassapat.

Tamatumunnga atatillugu pingaaruteqarunarpog tamatta eqqaamassagatsigu iluarsartuussinerit allanguinernik nassataqartarmata kiisalu inuit ilaasa ajunngitsorsiassat ullumikkut pigisatik annaasariaqartarmatigit. Iluarsartuussisoqarsinnaanngilaq kikkut tamarmik



atugarissaarnerulersillugit - sualummik inuiaqatigiit sipaaruteqarnerannik tamanna kinguneqassappat.

Aningaasarsiornermut Siunnersuisoqatigiit aamma nunatsinni aningaasarsiornermik ingerlatallit arlaleriarlutik erseqqissumik oqaatigisarnikuuaat iluarsartuussinerit sukkanerusumik pisariaqartut, aningaasarsiorneq maannakkut siunissamilu ataqatigiissinnaaqqullugu. Demokraatini isumaqataalluinnarpugut aamma neriuppugut Naalakkersuisut aamma isumaqataasut.

Tamatuma saniatigut Demokraatini isumaqarpugut, pissusissamisuussasoq iluarsartuussinerit sukkanerusumik ingerlanneqartuuppata maannakkut aningaasarsiornikkut ingerlallualaalernitta nalaani.

Apeqqutit akeqqakka ullut suliffiit nalignnaasut qulit iluanni